



30.april 2019

UPA2019/63

**Sinerissap qanittuani aalisariutit isaterneqarneranni akileraaruteqaataajunnaarnissaannik Naalackersuisut peqquneqarnissaannik Inatsisartut aalajangiiffigisassaattut siunnersuut**  
(Inatsisartunut ilaasortaq Aleqa Hammond, Nunatta Qitornai)

Sinerissap qanittuani aaliasariutit isaterneqarneranni akileraaruteqaataajunnaarnissaannik siunnersuuteqarpoq, Jens Napaattoq Partii Naleraq.

Siunnersuuteqarpoq maannamut malittarisassat allangortinneqarneritigut aalisartup aalisariutimi atorunnaarnerani isaterinissamit akileraarutitigut immikkut aqqissuussisoqassasoq, imaalisussanngorlugu aalisariutilik isateriniarnermini tapiissutigineqarsimasunit akileraaruteqaataangitsumik isaterisinnaalersillugu.

Malittarisassat maannamut atuuttut imaapput, isaterinermut tapiissutit inuussutissarsiummut ingerlataqartup pissarsiarisartagai piginnikkunnaarnernermi pissarsiatut isigineqarput. Isaterinermi tapiissutit aalisartup angallammik ukiumoortumik nalikillinerata kingorna akileraarutitigut naliusumit qaffasinneruppata iluanaarutit akileraaruserneqassapput. Tapiissutit ikinneruppataamingartoorutigineqartut ilanngaaticigineqassapput.

Isateriarniarnermi tapiissutigineqartut akileraartarnikkut immikkut isiginiarneqareersut erseqqissaassutigineqassaaq taakkualu malittarisassaasut maannakkut allangortinneqassappata akileraariaatsimut aqqissuussineq naligiisitsinngitsoq eqqunneqassaaq tamannalu siunertarineqanngitsut takusinnaavarput.

Aalisariutinik piginnittut imaluunniit atorunnaarsitsisut pisussaaffippassuaqarput qulakkeerniarlugu atorunnaagaq aamma avatangiisit eqqarsaatigalugit isumannaatsumik aqqiissuteqarnissaminut, tamannalu immikkut aamma isiginiarneqarluni aqqissuussigivigineqarsimanera aamma akileraarutitigut maluginiarparput.

Maannamut aqqissuussineq pitsaasutut nalilerparput, piffissaasorinngilarpullu maannakkut tapiissutit atuuttut akileraartarnikkut aqqissuussivigineqarsimanerisa allangortinniarnissaanut taamaattumillu siunnersuut ilalinngilarput.